

山西通志卷第一百六十九

山西巡撫都察院右副都御史臣覺羅石麟奉

旨修輯

寺觀二

潞安府

長治縣

昭覺寺在城內西南隅唐貞觀三年閏十二月爲死兵者立
浮屠祠建寺七茲其一也賜額並給度牒勅撰碑記後唐
明宗天成元年重建有僧綱司後有圓通閣貯藏經元釋
淨公應召作資戒大會呂甬東有詩明程應登栗永祿鮑
承廕朱卿郭邦驥結講易會有寺中聯句潘宣王朱恬燦
有和詩內有楞嚴正脈藏板

長興寺在城內東南隅後唐長興四年建栗應宏有詩

聖泉寺在城東南隅舊有蓮花池久湮

國朝康熙元年池東泉湧出池復溢因建寺五年郡守蕭來
鸞拓建題額萬代尚饌記

妙勝寺在城東北後唐天成中建

梵境寺在城東北隋時建唐儀鳳三年賜潞州刺史賀拔正
舍利四十九粒青白二色流瓶轉匣吐照含明離若分珠
合如聚米正與長史崔承休司馬戴安業藏寺內舊塔下
爲舍利銘刻石寺塔久廢明萬歷間居民取土得舍利并
石刻瀋定王朱瑄堯爲建塔於昭覺寺東狀元朱之蕃誌
延唐寺唐明皇爲別駕時寺有李樹連理潘炎撰賦

寶雨寺在城西南隅隋潞州刺史辛彥之建久廢獨古塔存

辛彥之崇佛道刺潞州時城中建浮屠二皆十五層州民張元死數日復蘇云天上見新構一堂制極宏麗問之曰潞州刺史辛彥之堂也在世有功德以此堂待之其年彥之卒

法住寺在城西門外隋開皇二年重建北齊釋曇榮遊潞州人迎居寺中明寺釋懶雲工詩華藏閣別駕李朝佩修僧交光撰記土人傳朝佩卒生秦藩初生卽自言籍貫姓名並修寺工未竟王遣官輸粟助成之

慈惠寺在北關今廢明宏治六年知州馬暉將毀寺寺僧爲去計有癩僧笑曰勿去此榮靖家佛堂與國同休衆莫知所謂未幾沁源王奏留爲家佛堂勅賜額普惠及王薨諡榮靖但不悟與國同休之義至闖將劉芳亮折壞四關寺

亦毀其言悉驗

普通寺在明瀋藩菊花園東

慶雲寺在縣南十里蘇店宋天聖三年建

百穀寺在縣東北十三里百穀山世傳神農嘗百穀於此北齊武平四年建明萬歷間知縣方有度重修內有百穀泉明瀋宣王朱恬熒定王朱瑄堯韓標姜愷栗應宏王鐸祁順胥有詩王基撤佛像祀神農有自記

正覺寺二一在縣南二十里刊字村唐太和間建一在縣南六十里八義鎮宋元祐六年建

龍泉寺在縣南二十里賈村元至正二十八年建

嘉祥寺在縣南二十里賈掌村元至元間建

洪福寺在縣東南四十里李坊村宋太平興國五年建

淇濟寺在縣南四十里黎嶺村宋崇寧二年建

香巖寺在縣南四十里韓店宋慶厯間建

寶峰寺在縣東南五十里坡頭村金大定十九年建

摩雲寺在縣東南五十里佛耳山上有石佛禱雨多應劉麟

陳霆顧應祥周再勲胥有詩

西巖寺在縣南六十里桑梓鎮隋開皇中建

大雲寺在縣南六十里蔭城鎮金大定九年建

太安寺在縣南七十里師庄村後唐明宗長興二年建

寶雲寺在王村後魏永平二年建

延福寺在西原村漢永平十年建袁宏漢紀初明帝夢見金人長大頂有日月光以問羣臣或曰西方有神其名曰佛所夢得無是乎於是遣使天竺問其道術而圖其形像焉

山西通志 卷一百二十九
永平十年十二月佛始入中國而上黨已建延福寺恐相傳有訛

翠巖寺在西火鎮千章松秀寺隱松內

際子寺在縣西南百和村元元統元年建

翠雲寺在佛耳山下

五龍山寺在縣西二十五里五龍山上西燕慕容永據長子時見山有五色雲現作龍形今古松萬株風雨半天雷霆萬壑斧斤不敢入明濟定王携世子同弟保定德化二王遊山寺有詩姜愼謝臻程正巳并有詩

開元寺北周釋惠瑱焚修寺中

大泉菴在縣南六十里雄山東後唐長興元年建明嘉靖

年僧圓喜修

白鶴觀在縣南唐景龍二年明皇爲別駕時據案假寐道士
宋大辨等三十人見赤龍在案潘炎有賦今廢

玉虛觀在西火鎮唐天寶十四年建

神霄宮在城舊潘府前宋宣和元年建有道紀司原名天慶
觀元王嵩作酒聖神燈記今石刻存三忠祠壁間明栗應
麟李延馨延康幼同學觀中有道人至謂栗貴不勝壽二
李壽不勝貴問其姓名不答留題壁間曰鐵笛驚秋夜道
人踪跡孤餐霞入碧落騁鶴入元都海月丹陽路松風太
乙爐直同天地老若問姓名無

洞雲宮在桑梓鎮唐天寶十四年建

承天禪院宋景德元年西京左藏庫使獎州刺史李繼昌澶
淵之役使遼定盟因奏請以潞州舊宅爲寺賜額承天楊

山西通志
卷一百一十九
四
億撰記

慈仁菴在豆腐巷明保定王園亭改建

長子縣

天王寺在城東南隅唐永徽中建置僧綱司

能仁寺在縣大西門外宋建隆二年取靈空山先師龍池水
於此禱之得雨因建先師堂端拱二年賜額靈空聖壽院
一後改承天寺又改今名明洪武十五年置僧會司併福昌
一古塔二寺入焉

大覺寺在縣西北五里寺頭村唐太和中建

古塔寺在縣西北八里莫村元時建

龍泉寺在縣東南十里交李村唐大歷九年建

演教寺在縣西南十三里南李村潛山上元至元十二年建

妙覺寺在縣西北十五里礪張村宋治平元年建

法慧寺在縣北二十里周村唐顯慶五年建明成化八年重修

壽聖寺二一在縣西南二十五里南陳村唐中和四年建一在縣西三十里化師山唐時有僧化此故名

資壽寺在縣東北二十五里王婆村元至正二十九年建仙師寺在縣北三十里王史村唐太和五年建

法興寺在縣南三十里慈林山後魏神瑞元年建舊名慈林唐咸寧四年鄭惠王元懿爲潞州刺史建石塔藏舍利二
十一粒下有藏經千卷釋洪滿撰碑宋元豐四年修王益
柔記寺鑿井無水惠印禪師咒而出泉有拄笏軒咏真堂
寺又有唐人集王右軍書摹刻僧以搨本爲累碎投井中

後得斷礎輦置學宮今亦亡

廣化寺在縣西三十五里樂陽村宋治平元年建

崇慶寺在縣南四十里紫雲山下宋大中祥符九年建

甘泉寺在縣西五十里寺頭村元時建明崇禎間重修

興國寺在縣南五十里論庄村元延祐五年建

興福寺在縣西九十里橫水村元大德五年建

浩然觀在縣城隍廟東元至正二年建明隆慶六年重修馮

鎬記

通元觀在城東北隅崇文坊元至正五年建明洪武間置道

會司

白鶴觀在城外西北隅唐天寶三年建久廢有斷碑仆草澤

間虞世南記趙及有詩

修真觀在縣西北三十里金村元至順二年建

屯留縣

永福寺在縣治北唐貞觀三年建宋太平興國三年賜額明
洪武六年設僧會司

大覺寺在縣東南十里宋村元泰定二年建明洪武三年修
雲影寺在縣西十二里鳳凰山元至正二年建

永峰寺在縣東南十二里故城村元泰定二年建明正統六
年修

興國寺在縣西十五里平村元至元五年建明宣德六年修
寶峰寺在縣東北十五里王村元大德三年建內有碑光澤
可鑑

定林寺在縣西北十八里余吾鎮元至元丁未年建

慧照寺在縣西十八里苗岳村宋天禧元年建

石佛寺在縣西北十八里余吾鎮唐貞觀二年建

慈廣寺在縣東北二十里石聚山舊名普明又名慈光宋治平二年勅賜今名張畢撰碑

寶福寺在縣西南二十里社村元泰定二年建

普明寺在縣東北二十五里常村鎮元至元五年建有僧政忠居此戒行精嚴後化于輝縣白毛寺

龍泉寺在縣東南三十里北栗村元至元五年建

明月寺在縣西八十里中村元泰定二年建明正統十年修甘泉寺在縣西北百里的泰定二年建明正統十一年修

玉溪禪院在縣南十里魏村元泰定元年建明宏治十一年

修併建塔

朝元觀在縣遵教坊西北金明昌二年建明洪武十六年設道會司

南華觀在縣西三十里西村元大德四年建

玉虛觀在縣西五十里原庄村元皇慶二年建

襄垣縣

壽聖寺在縣東南立義坊北後唐同光三年建宋淳化三年改仙堂院景德初賜今額明洪武間置僧會司

崇福寺在縣東南明嘉靖四十三年僧淨義重修

建封寺在縣東三里李信村唐三目僧建寺有僧遺像寺廢移像於壽聖寺

香巖寺在縣西十里桃林村南後有塔元末風折其半明正德間僧會汴重修郝良臣有詩又有甘泉李濬劉鳳儀劉

山西通志 卷一百一十九
龍崔鍾瑋有詩

興福寺在縣西南十二里南峰上後有高樓世傳元察罕那延太師河南王避暑之所今樓廢劉龍有詩

仁濟寺在縣北二十里五陰山前

化成寺在縣北三十里下良鎮明嘉靖十年僧真德重修

華藏寺在縣北三十里王壁村北

慈雲寺在縣西南三十里長隆村西明嘉靖四十一年僧清

景重修

淨居寺在縣北四十里上良村北

開化寺在縣西北五十里

寶峰寺在縣西五十里卽紫巖山寺後周麻衣僧修真紫巖

山洞建寺山峰有無梁檣麻衣遺像在焉遇旱禱雨輒應

又有大悲殿像殊特端妙宋張商英撰記范子奇書時稱
雙絕又有李伯曾題刻嵌西廊壁間明成化間僧能修重
修

仙堂寺在縣東北五十里仙堂山寺舊在山麓坪相傳一夜
風雨大作起視林石偃仆佛殿寶幢已神運山上矣今寺
址猶存登陟十餘里經捨身崖始抵寺佛像三鐵一石一
木一佛前胥湧一泉殿外二泉環旋又名五泉寺絕壁潮
音洞內列觀音羅漢像東有閣相傳爲藏經地內有琉璃
洞水出石佛臍中禱者輒應西爲講經壇寺有斷碑喬宇
記劉鳳儀劉龍崔鍾塘李濬張星祥趙三麟胥有詩
五峰寺在縣東北六十里

崇法寺在縣東北三十五里有古松名天橋松數百年樹也

見趙天麒記

瑜伽菴在縣北門外

國朝順治六年建知縣王國治記

棲雲菴在縣北二十里洞兒嘴重圍斷塹水繞山環明萬歷

丁亥姚九功建

先天觀在縣北門外唐天祐八年建明洪武間置道會司宏

治間水圯知縣王錦改建

幽棲觀在縣西七里西川村西元至元元年建

洞真觀在縣北四十里元延祐四年建

長生觀在縣北五十里雁谷村元至元十七年建

潞城縣

永福寺在縣東崇智坊晉天福初建明洪武間修置僧會司